

47
SUPREMO ARCHIATRO BENEDICENTE!

ÆGRUM
SINGULTU
EX FEBRI MALIGNA

laborantem,
IN ILLUSTRISALANA,

PRÆSIDE

*Viro Nobilissimo, Amplissimo, Excellen-
tissimo atque Experientissimo,*

DN. GEORGIO WOLFF-
GANGO WEDELIO,

Medic. Doct. & Theoretices Prof. Publ.
famigeratissimo, Medico Ducali Saxon. gravissimo,
& S. R. I. Academ. Natur. Curios. Col-
legæ primario,

*Dn. Patrono ac Præceptore suo
observantissimè colendo,*

publicè examinandum proponit

RESPONSURUS AUTOR

SIMON ANDREAS BECKERUS,
Hallenfis Saxo,

In Acroaterio Medicorum

ipsis Septembr. Idibus A. O. R. MDC LXXVI.

JENÆ,
TYPIS KREBSIANIS.

4

AGRICULTURE

ST. GEORGE'S

EXETER MARKET

18th June 1881

IN THE CITY OF EXETER

THE AGRICULTURAL SOCIETY OF EXETER

THE GEORGE WOLFE

OF THE CITY OF EXETER

THE AGRICULTURAL SOCIETY OF EXETER

THE AGRICULTURAL SOCIETY OF EXETER

THE AGRICULTURAL SOCIETY OF EXETER

THE AGRICULTURAL SOCIETY OF EXETER

SECTION 2 OF THE ACT

1875

THE AGRICULTURAL SOCIETY OF EXETER

THE AGRICULTURAL SOCIETY OF EXETER



PROOEMIUM.

Nillum viscus in toto microcosmo confederatione majori gaudet, quam ipse architriclinus ventriculus. Dispensat hic singulis sua, omnibus compatitur, à singulis noxa in eum redundat. Omnibus amicus est, à quovis ergo *συμπάθεια* signa mutuatur; omnibus præest, unde & primus peccat facile, & primus aliis peccantibus afficitur.

Hic quasi alterum offendere licet cor, caput, renes, uterum, adeò in se tam promptè suscipit vitia, ut ipsum solum affectum credas; ipse quidem satis propriis conflictatur cum morbis, simulat tamen suos non rarò, qui alius sunt culinæ. Imò totum corpus, si ventri benè, benè habet, & si totum patitur, ventri malè esse oportet.

Videas non rarò singultientem agi animam, alià vice vel levi errore eosdem audias sonos, citra sanitatis dispendium. Ast quando cælum thoracis vehementiùs incutit, & aëra verberat, intimiùs affectus, næ graviter & se laborare plangit, & misero planctu machinæ totius catastrophën prænunciat.

Operæ duximus pretium SINGULTIENTEM docere in proscenium, opem laturo, cum DEI auxilio, medicam, quod faustè ut eveniat, precamur.

HISTORIA.

Vir XXXVI. annorum, temperamenti chole-rico-sanguinei, habitûs carnosî, cum nuper ventoso & pluvio aëre iter pedes fecisset, variis

item diætæ erroribus hæcenus peccasset, præcipuè
 verò carniū salitarum, infumatarū, pinguium,
 brassicæ, & aliorum *δυσπητικῶν* delectatus usu, potu
 item crebriori gaudens, colicis doloribus & car-
 dialgiâ non infrequenter aliàs infestatus, nuper,
 quod insolitum ipsi non est, iræ nimium quantum
 exæstuans fervore, cū salmonis esu & vini potu,
 juxtim ac fructuum fugacium, fragorum, ceraso-
 rum, stomachum onerasset, filii, æstu continuò
 cum diarrhœa laborantis, non minimū affectus
 morbo, indeque febris conflictatus malignâ, die
 nonò primū diarrhœâ viscosâ & biliosâ corripit-
 tur, hinc singultu, frequenti admodum insultu im-
 petente, concutitur totum quasi cum diaphra-
 gmate corpus, cum debilitate, delirium, vigiliæ &
 motus maxillæ inferioris tremulus adsunt: nudus
 vult videri; pulsus tamen cum celeritate æqualis;
 sitis non exigua, appetitus solidorum prostratus.
 Petitur consilium.

RESOLUTIO.



Affectus, qui ægrum nostrum maximè torquet,
 SINGULTUS est: si violentiam motus species,
 sat gravis; ob conjunctam verò FEBRIM
 MALIGNAM, admodum periculosus ac ur-
 gens, ut hinc meritò nos in primariam sui confide-
 rationem rapiat: alterò tamen oculò ad febrim ejusque *κα-
 τὰ φύσιν* meritò directo.

Refer-

Refertur aliàs à Prædicis *singultus* inter symptomata actionis naturalis læsæ, in expultrice ventriculi irritatâ. Irritatur primò facultas naturalis, deinde ei succurrit animalis. Est enim *motus ventriculi pravus, vehemens, inanis, sursum versus, ab irritatione facultatis expultricis originem trahens.*

An convulsivus simul sit motus dubium videtur, quòd convulsio tantum contingat musculis ac nervis motui sacratiss, vel iis partibus, ubi motus voluntarius regnat. Cum verò ventriculus non sit musculus, nec singultus, qui ipsi accidit, convulsivus propriè dici potest motus; sed tantum, ut verbis *Galen* lib. 3. de caus. symptom. cap. 2. utamur, est *ὁμοῦ καὶ αὐτὸς* seu *quasi convulsio* & eidem non adeò dissimilis, sed affinis, præcipuè cum nervosum genus in nostro ægro apprimè sit affectum.

Affectus hujus præsentiam demonstrant SIGNA ESSENTIALITER INHERENTIA, quæ non anxie heic querenda, cum præter calorem febrilem hæcenus in corpore exæstantem, visu & tactu motus ille depravatus se manifestet, imò auditu ab astantibus percipi queat. Non solum enim frequenti admodum ægrum impetit insultu, sed & tam vehemens est, ut totum quasi cum diaphragmate corpus concutiat.

ESSENTIALITER CONSEQUENTIA, singultui partim, partim feбри propria, idem confirmant, ut in actionibus naturalibus appetitus solidorum prostratus, sitis non exigua: in vitalibus debilitas, pulsus celer: in animalibus vigiliæ & motus maxillæ inferioris tremulus: in rationalibus delirium, impudentia: in excretis diarrhœa viscosa & biliola.

CAUSÆ PRÆGRESSÆ, abusus scilicet sex rerum non naturalium, inprimis in victu; febris item maligna, aliæque affectum hunc provocare solita, de quibus paulò post fusiùs, consentiunt.

Nec SIMILITUDO abludivit; taliter enim affecti, à nemine non, etiam ex plebejis, pro singultientibus proclamantur.

SUBJECTUM ADÆQUATUM statuimus *ventriculum*

lum totum. In hoc enim, ut *Excellentissimi Dn. D. Præsidis, Patroni ac Præceptoris mei summè de venerandi* verba mea faciam, in singultu semper adsunt humores, si non mole; tamen virtute: si non copiâ; tamen qualitate, qui acredine sua salinâ peccantes stimulant ac lancinant superius ejus orificium, quod pro PRINCIPALI agnoscimus. Cum enim nerveum sit, ac proin exquisitò sensu præditum, facillimè stimulum persentiscit & ad expulsionem ejus, quod molestiam ipsi parit, incitatur.

Neque *Plateri* dissensus nobis erit obstaculo, qui *lib. de function. lesion. 2. cap. 5. p. 469.* singultum, in febribus præcipuè malignis, (quali noster quoque affligitur) à vaporibus acribus, diaphragma irritantibus, fieri autumat, & inde subiectum hujus mali septum constituit transversum. Verùm, uti non negamus, diaphragma cum pulmonibus quoque affici in singultu, quod itidem in nostro observare datur: id tamen secundariò saltem ac per accidens fieri censemus, & palmarias partes affecto ventriculo tribuimus. Cum enim ex *Anatomicorum* demonstrationibus constet, propinquum non modò esse ventriculo diaphragma; sed & communem tunicam, imò eosdem nervos orificio ventriculi habere insertos, necesse quoque est, ut affecto hoc septum transversum in molesti sensus consortium trahatur. Idem & *Sylvio* aliisque *ὁμοψύχοις* reponere possumus.

Afficitur autem in nostro patiente *ventriculus* magis per consensum, transmissis ad eundem ex toto corpore, vaporibus acribus, malignis, id quod in singultuosis ejusmodi febribus fieri communiter assolet. Nec tamen idem omni eximendus proprio crimine, cum ob cumulata diætæ vitia, vitiosorum humorum saburram cumulaverit.

Cor etiam cum *totâ massâ sanguineâ* ob febrilem æstum, indeque ipsum quoque nervosum genus suos patitur manes.

CAUSAM IMMEDIATAM cum *Sennerto* aliisque *Practicis* dicimus *vellicationem* seu *irritationem facultatis expultricis.*

MEDIATAM PROXIMIOREM & quidem RATIONE ESSENTIÆ *Hippocrates* *sect. VI. aph. 39.* πλῆρωσιν & κένωσιν, *repletio.*

pletionem & inanitionem existimat : sed hæ ipsæ, quæ tales, nunquam singultum excitabunt, nisi simul irritando agant. Nos receptâ methodo duplicem constituimus, *humorosam & vaporosam*.

Peccant in ægro nostro HUMORES biliosi, acres, falsi & visciidi, quos abundare victus prægressus & diarrhœa superveniens demonstrant. Isti, cum viscedine suâ membranarum plicis intimiùs sese insinuent, firmiùs inhæreant, ac potentiùs lancinent, vehementiam hujus affectus causantur : imò quod majus est, exhalationes malignæ, se cum iis conjungentes, statum periculosiorem causantur.

Uti verò aliàs, quod *Excell. Dn. D. Præsidentem* differere audivimus, singultus sæpius causa est *flatus contentus, coagulatus quasi & incarceratus*, id quod curatio per ructum (quem à flatu resolutum idem derivat,) patefacit, ut qui singultui superveniens eum tollit, unde à contrariis utrumque fieri causis faciliè colligitur : ita & hoc ipso in casu halitus talismodi malignos subtili acrimoniâ plicis & tunicis stomachi membranosis inhærere & quasi incarceratos intimiùs mordicare certum est, unde orificium ejusdem superius laceffitur, ut ipse inde commotus ad eorundem per superiora cum sonitu expulsionem vehementem compellatur.

Paracelsi Φ um, *Fabri* primæ coctionis vitia, *Helmontii* acorem, *Sylvii* vitiosam effervescentiam, *Tachenii* alcali & acidum, *Cartesii* particulas impropportionatas, aliorumque opiniones heic recensere & examinare, injuncta ex temporis penuriâ brevitatis nobis interdicat.

RATIONE MODI ESSENDI peccant humores hi ac flatus

1. *quantitate*, quatenus ob promiscuam alimentorum ingurgitationem priùs factam, & largiori potu ad extinguendum æstum congesti, mole suâ premunt ventriculum & distendunt.
2. *qualitate*, dum non solum acrimoniâ salinâ vellicant continuò, sed & malignitate flammæ vitali insidiantur.

3. *motu* tum *generationis*, tum *locali*. Generata nempe fuit prava isthac materia tam in ipsis ventriculi stabulis, quam extra ejusdem pomoeria, quatenus scilicet mali fomes totius

massæ

massæ sanguineæ à crasi sua deflecentis, vaporesque hostiles ad ventriculum mittentis, vitiô ad ipsum derivatur.

MEDIATÆ REMOTIORES causæ itidem ad ægri nostri affectum suum addidere symbolum, & quidem

EX NATURALIBUS *Temperamentum cholericum sanguineum* ad generationem acrium biliosorum humorum maximè proclive.

Nec *etas* abludit, utpote succorum biliosorum, & morborum inde resultantium, per se feracissima.

EX NON NATURALIBUS accusandus venit

Aër ventosus & pluvius, cui noster, iter pedes faciens, sese exposuerat. Quantum verò hæc aëris intemperies & inspirando & corpus nostrum ambiendo, noxæ afferre possit, in propatulo est.

Vicius errores varii fores tum feбри malignæ, tum singultui, reddiderunt patentissimas: dum non modo brassicæ; sed & carniū salitarum, infumatarum, pinguium, aliorumque *δυσπέντων* abusu delectatus fuit: nuper quoq; salmonis, fructuum fugacium, fragorum, ceraforum esu stomachum oneravit; ex quibus cruditates, humoresque cumulavit putridos, salfos, biliosos, acres, viscidos; neque hoc correxit potus largior, sed malum potius auxit, dum salia acria hinc resoluta & vehiculum adepta stimulos suos eò fortius infigere potuerunt.

Motus ex itinere pedestri particularum heterogenearum exagitationem promovit, & dispositionem latentem eò promtius in lucem protraxit.

Animi pathemata, adversâ fronte occurrentia, non minimam heic merentur culpam. Im enim, cujus fervore & aliàs & nuper nimium quantum exæstuavit, docente *Galeno lib. de cognosc. affect.* spiritus in corde & arteriis inflammando, sanguinem in venis concitando, ejusque motum accelerando, cerebrum concutiendo, nervos convellendo, humores exagitando, bilis ferociam ciendo, affectum nostrum insigniter promovit. *Moror* ex adverso vitia ex ira prognata non modò non emendavit; sed & subitâ sanguinis ejusque circuli mutatione, naturæ semper inimicâ, adauxit.

EX PRÆTERNATURALIUM classe primaria singultus causa se sistit *febris maligna*, quippe quæ, experientiâ teste, non raro symptoma hoc comitem sibi adsciscit, dum eum sanguini statum inducit, ut tum regendis tum demulcendis partibus impropotionatus evadat, & vapores acres & malignos, nervosum ventriculi orificium infestantes, de se spargat.

Non mirum igitur ex tam fecundâ causarum morbificarum segete largam symptomatum prodiisse messem, quæ, ordinem in Historia propositum observaturi, recensebimus.

1. *Diarrhœa viscosa & biliosa adest*, ob humores similes, ex copiosè assumptis facilè putrescentibus in ventriculo & intestinis congestos, & ex massâ sanguineâ secretos, horumque interiorum tunicam ad excernendum sollicitantes.

2. *Debilitas* accedit, dum vires ex pravo febris more, singultus vehementiâ, & præviâ dejectione copiosâ nimium quantum depauperantur, & corpus spiritus defraudatur.

3. *Delirium* subsequitur, dum vapores acres & maligni ad caput rapti spiritus animales turbant, accendunt, adeoque extra sphaeram suam vagabundi mentis eccentricitatem inducunt.

4. *Vigilie* urgent ob lymphæ paucitatem & acrimoniam, atque hinc svaves ἀναψυξιᾶς, poris cerebri demulcendis necessarias, denegatas.

5. *Motus maxillæ inferioris tremulus* ex irritatione nervosi generis convulsivâ provenit.

6. *Nudus videri vult*, quòd ob mentem laborantem pudor etiam omnis exulet, ipseque ἀπαθής sit, & incurius.

7. *Pulsus celeritas* calori febrili, & hinc majori, æquali tamen, sanguinis ebullitioni originem debet.

8. *Sitim non exiguam* produxit tum febrilis æstus, totum infestans corpus ejusque serum depascens, tum ficci, acres, mordaces ac falsi halitus è ventriculo ad œsophagum & fauces elevati, ob membranæ communitatem easdem arefacientes.

9. *Appetitus solidorum prostermitur*, quod & ventriculi calor

juxtā ac fermentum malè habent, & natura, in solā morbi devictione occupata, provisioni totius minùs invigilat, & ut in aliis acutis pleniorē victum averfatur.

Perlustratā jam prolixā satis symptomatum serie, quale PROGNOSTICON statuendum fit, circumspicere lubet.

1. SALUTIS ET MORTIS respectu. Si febrim acutam, ac mali moris conjunctam; si vehementiam affectus, ejusque diuturnitatem; (ad quartam enim diem jam perseverat) si delirium complicatum; convulsiones, aliaque pessima symptomata consideramus, periculosissimum ægri statum conjicimus: imò, si *Epiphaniæ Ferdinandi histor. 27.* testimonium firmæ veritatis est, conclamatum esse de patiente nostro asserendum foret, ut qui per DEUM testatur, singultum in febribus malignis, tanquam characterem summè exitialem sibi semper observatum: quin juxta alios delirium superveniens nullam evasione spem relinquit.

Verum cum miracula sæpè fiant in medicina, dumque æger spirat, non desperandum sit, ex pulsus quoque æqualitate spes aliqua adhuc affulgeat, animum non omnem despondemus.

2. LONGITUDINIS ET BREVITATIS. Cùm affectus noster ex genere acutorum sit, de longitudine non est, quod metuemus, quamvis certum durationis terminum præfigere vix liceat; nullum interim dubium, fractā jam & ad terminum deproperante febris violentiā, ut causā singultus primariā, & istum recessurum.

3. MODI EVENTUS: Hunc ex *Hippocratis 4. acutor. 59.* mente ad salutem fore prælagimus materiæ morbificæ vel dissipatione, sive per vomitum, sive feces alvinas, sive sudores, sive urinas acres fiat, vel ad partes ignobiliore per abscessum detrusione: sic enim ablato mali fomite & ipsum auferri necessum est.

Acceleranda igitur CURATIO, quæ juxta s̄vetam m̄dendi methodum tribus absolvitur INDICATIONIBUS: CURATORIA, singultum ipsum, corpus maximè concutientem & symptomata cetera, non neglectā febre, mitigante: PRÆSERVATORIA, causis removendis intentā: VITALI, viribus tam præsentibus, quàm futuris prospiciente.

Tri-

Triplici verò ex fonte remediorum apparatus depro-
mitur.

E CHIRURGICO se sistit nobile aliàs ac genero-
sum remedium VENÆ SECTIO, Hæc licet in principio fe-
bris ad fervorem sanguinis compescendum, non refragante
temperamento corporisque habitu, cum successu adhibita
fuerit; vix tamen singultui curando quicquam commodi ex
ea nobis promittere possumus.

Par ratio CUCURBITULARUM SCARIFICATARUM
est, aliorumque venæ sectioni vicariam opem præstantium.

CUCURBITAM VERÒ SICCAM, cum *luculentâ flammâ*
ventriculo, seu scrobiculo cordis appositam, ex monito *Ludov.*
Mercati, Fonsæ, Zacus. Lusitani, aliorumque commendamus,
licet quidam cum *Aetio* dorso circa loci affecti regionem, alii
nuchæ cum successu affigendam velint. Utrobique applicata
in nostro ægro ad tempus quidem delinivit malum, è vestigio
tamen hinc rediens.

Extremorum LIGATURÆ, nec non FRICTIONES re-
vellendi gratiâ non incommode institui possunt.

Ex *Claudini* etiam consilio non incommode *fasciam ven-
tri obducendam & circumligandam* suademus, ut ita ventriculus
simul comprimatur, ne tanto cum impetu concuti possit. Sic
enim singultus ad minimum mitior evadet, neque ita medium,
supremum & infimum ventrem lassabit.

Sed quoniam chirurgia insufficientia ferè suggerit præsi-
dia, ad fontem PHARMACEUTICUM nos converti-
mus, & ex eo *εὐπορεῖσθαι*, scopoque, tum feбри, tum singultui
occurrendi, nobis præfixo accommodatiora seligimus.

Primum heic obtinent locum LENIENTIA, quæ materiam
peccantem abstergunt & leniter educunt, ac simul biliosam
fermenti febrilis ebullitionem præcipitant. Fortiora enim
purgantia propter acrimoniam & tumultum majorem ac fici-
tatem, quam inducunt, malum potius augent. Utut verò com-
mendentur aliàs inprimis *rhabarbarum, sena, passula, mechoa-
cana* tum *nigra*, tum *alba*, cujus infusum in pertinacissimo 20. &
singultu præsentaneam tulisse opem ab *Epiphan. Ferdinando*

memoratur. Nos tamen hic cautos esse jubet ac lenissimis
saltem contentos ægri nostri status, v. g.

Rx. *MP aloet. D. D. Pres. ʒi. extr. theriac. ʒ. iv.*

◊◊ *bezoard. gtt. i. eff. castor. parum.*

M. F. l. a. pilulæ, consperg. C. C. *philos.*

S. *Lind-Pillen* auff 2. mahl.

Rx. *rad. scorzon. ʒß. rhabarb. Alexandr. ʒi.*

fol. sen. s. s. ʒij. cinam. zedoar. ā. ʒi.

passul. minor. ʒj. flor. cordial. ā. p. ij. crem. ʒri ʒiij.

M. D. in chartâ. S. *Lind species*, coquendæ c. f. q. aq. simpl.
ad tertias, cujus brodium hinc calidè sumendum. Et hæc ipsa
tutiùs propinari queunt, quòd laxior paulò alvus jam minus
talis observetur.

Nec officio suo deerunt *CLYSTERES*: isti enim præter
vim revulsoriam, quâ in febribus singultuosis opus est, blan-
dos halitus vaporesque, materiam acrem, singultum foven-
tem, demulcentes ac temperantes de se mittunt; v. g.

Rx. *rad. scorzon. lil. alb. contrayerv. alth. ā. ʒij.*

herb. ruta, centaur. min. marrub. ā. mj.

flor. lil. conv. paralyf. ā. p. ij. chamam. Rom. mß.

sem. carvi, anisi, fœnicul. ā. ʒj. castor. ʒi.

Coq. in s. q. decoct. *herd. excort. Colatur. Rx. ʒij. adde*

elect. bened. laxativ. ol. ruta ā. ʒi.

Ⓞ *ʒiat. ʒi. vitell. ov. n. j. M. F. l. a. clyster.*

Rx. *decoct. carminat. ʒx. electuer. de bacc. laur. ʒß.*

mellis anthosat. ʒj. ol. amygd. d. ruta ā. ʒß. ʒlis gemmei ʒij.

vitell. ovi n. j. M. F. enema.

VOMITORIA quamvis alioquin singultui, ab aliis causis
v. g. ingluvie, venenis &c. orto, præsentaneam ferre opem so-
leant: cum tamen indicatio sufficiens heic desit, humoresq; ma-
gis qualitate, quàm copiâ peccent, nausea quoque & alia dispo-
sitionis ad vomitum signa deficient, eorum usu supersedemus,
cui intentioni cæteroquin *oxysaccharum emeticum Angeli Sala*,
quod malignitati simul resistit, ʒ *emeticus Mynsichti*, & alia ex
chimicorum officinis depromta, satisfacere apta nata forent.

Ad *SUDORIFERA* potius iisdemque admixta alexi-
phar-

pharmaca seu bezoardica progredimur, eaque potissimum eligimus, quæ ad febrilem insultum compescendum, & ad sanguinem nimis rarefactum, & ad resolutionem tendentem, in ordinem redigendum, ejusque crasin restituendam reliquis dubiam palmam reddunt, in quibus proin maxima salutis spes, præter roborantia & symptomati urgenti debita posita erit.

Rx. Ræ Bezoard. Michael. D. D. Præsid. ā. ʒj.
essent. castor. ℥ij. zedoar. ℥j. D. in vitro.

S. Herk- und Stärck-Tinctur 30. Tropfen auf 1. mahl.

Rx. theriac. opt. ʒj. ½ diaphoret. ℥j. sirup. de scordio parum.
S. vermischter Theriack.

Rx. C. C. f. Δ, ½ diaphoret. ā. ℥j.
bezoard. Oris, magist. eboris ā. ℥ß. M. F. Pulvis.
S. Bezoardisch-Herk-Pulver.

Rx. C. C. f. Δ, ebor. f. Δ ā. ℥ß.
corall. præp. ℥j. perlar. præp. unicorn. ver. ā. ℥ß.
M. F. Pulvis. S. ut supr.

Rx. ½ diaphor. ℥ß. lap. bez. or. ḡ. v. pulv. anod. confort. g. iv.
ol. bezoard. gtt. ij. M. F. pulvis.

Rx. ½ diaphor. ℥j. bezoard. Stial. ℥ß.
magister. perlar. corallior. ā. ḡ. v.
elæosacchar. citri ℥ß. M. F. pulvis.
S. Schwiß-Pulver auf 2. mahl.

Rx. conserv. scord. ʒj. bezoard. Stial. ḡ. vj.
laudan. opiat. ḡ. ij. sacchar. parum. M. F. bolus.

Rx. rob. ebul. confect. de hyacinth. ā. ʒj.
theriac. ʒß. C. C. f. Δ ℥j. M. S. Schwiß-Cafft.

Rx. ▽ card. benedict. galeg. ā. ʒij. de corde cervi ʒj.
extr. scord. card. benedict. ā. ʒß. bezoard. minor. ℥j.
sir. scorzon. q. s. M. F. potio. S. Herkträncklein.

Rx. ▽ cinam. cydoniat. bezoard. ā. ʒj.
theriac. Androm. elect. diascord. Eracastor, a. ʒß.
essent. castor. ℥j. sir. cort. citr. ʒij. M. F. Haustus.

Nec DIURETICA nullam spondent opem, utpote quæ materiam salinam fixiorem ad vias urinarias secum devehunt & eliminant e. g.

Rx. Mus Ori dulc. 3j. Fri rectif. ʒij.
essent. carmin. D. D. Pres. 3℔. anod. gtt. vj.

M. D. in vitro S. Bertheilende Mixture.

Rx. lap. ☉ preparat. 3℔.

☉ volat. ebor. fixat. ʒ. xv.
sem. lycopod. ʒ℔.

Fris nat. ʒ. vj. M. in charta.

S. Treibe-Pulverlein.

Rx. clyff. ʒ. ʒat. 3ij. extr. galang. zedoar. ā. ʒ℔.

M. D. in vitr. S. Essenz ins Bier.

ALTERANTIA tonica & calorem febrilem mitigantia
subinde interponi possunt.

Rx. ▽ scorzon. fl. sambuc. acac. ā. 3j.

Hercul. Saxon. frig. cinam. cydon. ā. 3vj.

Ra corall. Michael. ʒij.

pulv. bezoard. Senn. epilept. Marchion. ā. 3℔.

lap. bezoard. Orient. ʒ. vj.

sirup. corall. acetosit. citri ā. q. s. ad gratiam.

M. F. l. a. Potio. S. Stärck-Träncklein auf etl. mahl.

Rx. ▽ bormg. bugloss. ā. 3ij. cordial. H. S. frig. 3j.

bezoard. cinam. s. v. ā. 3℔.

eboris s. Δ, lap. ☉ preparat. corall. preparat. ā. 3℔.

mistur. simpl. ʒij. confect. de hyacinth. 3℔.

sirup. cinam. cydoniat. parum. M. F. Potio, in fict.

S. Alterier-Träncklein.

Rx. pulv. pannon. rubr. bezoard. D. D. Pres. ā ʒij.

specif. cephal. ʒj. lap. bezoar. occident. ʒ℔. M. F. pulvis.

D. in scat. S. Stärckpulver.

Rx. conserv. ros. ☉lat. fl. tunic. ā. 3℔.

spec. degemm. frig. diarrh. abb. ā. ʒij. diatr. sandal. ʒj.

conf. alkerm. incompl. ʒj. ☉ menth. ʒ. iiij. sir. corall.

q. l. M. F. l. a. Electuarium.

D. in pyxid. S. Herkünd Magen-Latwerg.

Rx. gelatin. C. C. eboris, cum ▽ scorzon. extrmct. & Ra fl. bellid.

vel aquileg. tinct. a. 3j. S. Rührende Galred.

Rx. es-

Rx. *essent. carminat. Dn. D. Præsid. ʒi.*
castor. ʒß. Ræ anod. Langelott. ʒß.

S. Stärck-Essenß 30. Tropffen pro dosi.

Rx. *sem. 4. frig. maj. papav. alb. a. ʒij. amygdal. dulc. ambros. ʒj.*

F. cum *betonic. menth. a. q. s. cinam. cydon. ʒj. emulsiō,*
adde *spec. diamargarit. frigid. ʒß. magister. cornu.*

pulv. bezoard. alb. Rolsinc. a. ʒß. edulcor. sirup. papav. simpl.

S. Kühl- und Stärck-Milch vor dem Gebrauch wohl
umzurütteln.

Cavendum tamen, ne in ejusmodi refrigerantibus exhibendis simus liberaliores, ne tonus ventriculi magis iisdem labefactetur, præsertim jamdum justo humidior.

Utrique verò scopo optimè satisfacient ANODYNA, quæ ipsa unicam & potissimam spem præbent, votoque nos damnabunt, tum alexipharmacis juncta, intentione secundariâ, ut partim in dictis fecimus, partim in aliis quoque facere licet; tum primariâ, urgente magis mali vehementiâ. Sic præ aliis omnibus castoreum, & ex eo præparata commendanda veniunt, imprimis si cum opiatīs maritentur. Horum enim virtutem in singultu tum alio, tum imprimis convulsivo, sperato cum eventu semper expertum se testatur *Nobil. Dn. D. Præses in Opiologiâ suâ verè curiosâ lib. II. sect. 2. cap. 4. p. 116.* Commendabimus hanc in rem sequentia.

Rx. *essent. iheriacal. ʒij. castor. ʒj. anod. ʒß.*

M. in vitro S. Magen-Essenß.

Rx. *extract. tberiac. castor. zedoar. ā. ʒ. iv.*

laud. opiat. ʒ. iij. F. c. essent. castor. pilulæ n. xij.

S. Pillen gegen das Schlucken auf 2. mahl.

Rx. *electuar. diascord. Enacast. ʒj. vel Sylvii ʒj.*

trochisc. narcotic. Plater. ʒß. ʒ. menth. gtt. j.

pulv. stomach. Mynsicht. q. s. ad consistentiam. M. F. bolus.

Rx. *ʒris nat. Hung. pulv. anodyn. Michael. a. ʒß.*

M. F. Pulvis S. Ruhe-Pülverlein.

Rx. *pulv. ʒtant. D. D. Præf. bezoard. cephal. a. ʒß.*

laud. opiat. ʒ. iß. ʒ. caryophyll. gtt. j. M. in ch. S.

Stärck-Pülverlein auf 2. oder 3. mahl.

PTAR.

PTARMICA ægro nostro usui fore, Hippocratis aph. 13. sect. VI. effato confirmamur, modò ipsa jam viarum siccitas, præter delirium, ne stimulus sentiat, actuatioq; impediatur, non in causâ sit.

Rx. flor. lil. conv. spec. diamaior. Myns. ā. ℥j.
castor. ℥℔. O rorismar. lavendul. ā. gtt. ij.
ambra, moschi ā. ḡ. j. M. F. pulvis. D. in scat. S.
Niese Pulver.

EXTERNA in hoc affectu non minimam merentur laudem. Sic cataplasma de fermento, & contra singultum Mynsichti calidè stomacho intra duo lintheamina applicatum pro singulari experimento habetur. Idem præstat Timai ex cineribus quernis, vino malvatico imbutis, vel sequens B. D. Michaelis:

Rx. ferment. acerrimi ℥iij. pulv. menth. ℥j.
zedoar. ℥℔. sem. cumin. carv. anis. ā. ℥ij.
†ti rosac. q. s. F. Cataplasma.

Addi etiam pro lubitu potest aliquid theriacæ.

Emplastra quoque v. g. de galbano crocatum Mynsichti, de baccis laur. de crustâ panis &c. hæc suo non defraudanda sunt encomio; vel

Rx. empl. de bacc. laur. stomachal. usit. ā. ℥j.
malaxentur c. O menth. vel stomach. Craton. q. s. extend. super alutam & obducatur sindone rubrâ S. Pflaster wieder den Schluessen.

Rx. empl. de crusta panis ℥℔. de tacamah. mastich. a. ℥ij.
theriac. Androm. ℥j. malaxt. c. O anis. carv.
it. scorpion. Matthiol. F. l. a. scutum S. Magen-Schild.

Fotus ex †to acerrimo cum castoreo, sinapi & pipere calidè beneficio spongiæ ventriculo applicatus, commendatus à Rodrico à Fonscata tom. II. consult. 27. p. 153. & hîc in usum trahi poterit.

Sacculus etiam parari potest talis.

Rx. flor. chamem. calaminth. rorismar. ā. pñj.
summit. menth. absinth. pontic. marrub. ā. mj.
cort. citri, macis, galang. a. ℥ij. N. M. n. j.
sem. cumin. anis. a. ℥℔. castor. ℥j.

Con-

Concis. & contus. gr. m. insuantur sacculo interpaf-
fato, irrorentur

℞ carminat. *Mynsicht. it. menth. Nat. gtt. v. vi. vel*
spiritu zedoaria parum.

Balsama & linimenta non minorem habent utilitatem,
quare sequens antilœmicum & stomachale commendamus:

℞. ℞. *N. M. express. ʒi.*

angel. junip. citr. succin. aneth. anis. a. gtt. iij.

cinamom. caryophyll. ā. gtt. ij.

camph. gtt. j. balsam. peruvian. ʒj. M.F. Balsamum.

S. Kräftiger Magen-Balsam.

℞. ℞. *chamom. menth. aneth. castor. ā. ʒi.*

Nat. menth. anis. mastich. absinth. a. gtt. vi.

Cera parum. M. F. Linimentum. S. Magensälblein.

Applicari possunt dicta hæc circa scrobiculum cordis, vel
illi dorsi regioni, quæ superno ventriculi orificio respondet,
plantis item pedum & cordis climati ipsi. Omittimus hæc bre-
vitatis studio sacculos ad pulsus, ad cor, aceto bezoard. ▽ *carf.*
aur. ros. fragrantiss. imbuendos, quæ singula cum successum
admitti poterunt.

Cum DIÆTETICO concludimus fonte, ab ægro studio-
sissimè observando.

AER justam teneat temperiem, magis tamen ad calidita-
tem inclinantem. Frigidus enim malignitatem ad cor retroce-
dere cogit, mortemque sic crebro at infelici ægrorum experi-
mento accelerat.

CIBI sint temperati facilisq; concoctionis, ut *juscula ave-*
nacea, ova sorbilia, brodium & carnes pullorum gallin. passulis, a-
mygd. d. cortic. citri ejusq; succo conditæ. Vitentur verò omnia a-
cria, salsa, aromatica, ut & *fructus horarii*, facile quippe putrescen-
tes: condita item varia ceraforum, berberum, ribium, & similia,
quibus ordinariè palato ægrotorum inservire solent, refectionis
putativæ gratiâ, exulent vel parcè admodum gustentur.

POTUS sit *cerevisia* probè defecata, *Râ cordial. bellid. vel*
violar. vel C. C. usto alterata. *Nodulus* etiam ex stomachicis nec
ingratis, nec calidis nimis indi potest. Sedulò caveat, ne

frigidum nimis ingurgitet potum, sed paulò calefactum potius. *Vinum* ob febris malignæ præsentiam, præterquam in jusculis, vel caveatur penitus, vel parcè & ad medici demensum saltim bibatur.

QUIETEM & SOMNUM, (qui vel solus tædiosum hunc affectum sæpè compescit & mitigat,) ager ut capeßat, quantum fieri potest, studeat, quo nomine & *frontalia, emplastra ad tempora* &c. superioribus addi poterunt.

ANIMI PATHEMATA vehementiora absint, imprimis *ira* non indulgeat, nec curis nimium intentus sit.

EXCRETA & RETENTA ad naturæ leges, quantum possibile, conformentur.

T A N T U M!

Post *myrrham* studio gravi politam
singultum socium febris malignæ
dum sistis, Specimen legis secundum,
exemplumque paris novi laboris.

Hos, BECKERE, tuos calente voto
ausûs excipio: Supremus illos
eventu velit esse gloriosos,
ut digno decorentur hinc brabéo.

BECKER O,

*Medicinæ Studiofo maximè industrio, Amico
& Auditori suo assiduo, animitus
sic gratulatur.*

Augustinus Henr. Faschius, D.

Anat. Chirurg. & Botan. P.P. Archia-
ter Ducalis Saxon. p.t. Academiae Rector.

Aufers

Auferis singultum, meliùs quò Fama loquatur
laudes, quas Jena largiter es meritus.

Præximo Dn. BECKERO,

Medicinæ cultori maximè industrio, de conatibus
hisce egregiis animitùs gratulatur, studiisque
ejus optatos adprecatur progressus

Rudolphus V Vilhelmus Krauß/

Phil. & Med. D. Prof. Publ.

Quæ nostro assiduis hausisti ductibus ore,
quàm noris, cathedrâ bella togata docent.
Hactenus hæc nobis, alio sub sole probato
nunc eadem; Phœbus præmia digna dabit.

*Præximo Dn. Respondenti, Disput. hujus Autori
certo & doctissimo gratulab. scribeb.*

P R Æ S E S.

Nobilissimo & Literatissimo

DN. SIMONI ANDREÆ BECKERO,

ex Cathedrâ Medicâ publicè
iterum disputanti:

Singultus, februm symptomata, discutis ore:
Doctâ eadem pelles, ominor, arte brevi.

Fausæ gratulat. ergò scribeb.

Caspar Posner, P. P.

Urget in hos ausus virtus doctrinaque, cujus
rursus sub celebri Præside ponis opes.
Quin & in hos ausus urget Te Patria nostra,
quæ studia & Musas æstimat æqua suas.

Ista

Ista suam de Te dum spem non cernit inanem
esse, Tuæ de se larga satisfaciet.

*Pex-Eximio Domino BECKERO de conversationis
Academicae innocentia, improbo studio & egregiis
profectibus, simulq; optimo ipsius Parenti de optimo
Filio proluxa mente & incitata manu gratulatur*

Valentinus Belthemi/
Moralium Prof. Publ.

S O N N E T.

Was sah/ mein Wehrtester/ dich Jöbus neulich streiten
bey seiner Musen-Zunft/ die den Machaon ehrt/
da hat er alsobald die Gunst zu dir gekehrt/
und will zur hohen Burg der Ehren dich begleiten.
Doch weil des Streiters Ruhm sich weiter kan ausbreiten/
wenn sich die Tapferkeit durch fernern Kampf vermehrt
so strebt dein muntre Geist/ den Jöbus selbst gelehrt/
durch diesen neuen Kampf nach wohlverdienten Beuten.
Ein unverdroßner Fleiß erlangt den Ehren-Lohn:
drüm fahre hurtig fort Machaons wehrter Sohn!
Die edle Vater-Stadt wird höchlich sich erfreuen/
Wenn du dich/ werther Freund / wirst glücklich stel-
len ein /
und durch die theure Kunst sehr vielen nützlich seyn.
Der Himmel wolle stets dein Lob und Glück verneuen.

Also wolte seinem geehrten Herzens-Freund
zu diesen und mehrern Ehren mit diesen we-
nigen Zeilen glückwünschen

Joh. Carl Heinlein/ aus Nürnberg.
Medic. Ddus.

